

19.03.2006

Wólby wjesnjanosty	Bürgermeisterwahlen
Dnja 09.03.2006 běchu w Radworju wotpowědnje 7-lětnemu turnusej wólby wjesnjanosty. Dotalny wjesnjanosta Wincenc Baberška wostanje tež přichodne sydom lět w tutym zastojnstwje, kotraž hižo z lěta 1992 wukonja. Při wčerawšich wólbach wupraji so 94,9 procentow ludźi po wšej gmejnje za njeho. Wólbne wobdźělenje mjez cyłkownje 2 800 wólbokmanymi wučinješe přerěznje 43,9 procentow. Rozdźělné wólbne zadźerženje bě we wšelakich dźělach gmejny widźomne. Mjeztym zo dźěše w Radworju a Chelnje počojca wšěch wólbokmanych do wólbneho lokala, činjaše tole w něhdyšej Minakałskej gmejnje, kotraž bu 1999 do Radworja zagmejnowana, jeno třecina. Tam bě tež přihłosowanje za Baberšku z 85 procentami najsnadniše. Porno tomu wupraji so w Radworju 97 procentow a w Chelnje samo 98,5 proc. za njeho. Mjez přenimi gratulantami běštaj krajny rada Michał Harig a nawoda wjesneje skupiny CDU Hagen Wjacław.	

Wonaj so zhromadnje z druhimi wjeseleštaj, zo je kandidat strony tak wjele hłosow dóstał. Wincencej Baberšce je wólbny wuslědk zdobom pohon, so dale za wobydlerjow zasadźować. | |

[start.....2006](#)

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=19.03.2006_buergermeisterwahlen&rev=1703866905

Last update: **2023/12/29 16:21**

